



Broj:09-20-11-2-2701-I

Datum: 14.12.2023. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godinu, direktor Federalne uprave policije po ovlaštenju Vlade FBiH d o n o s i :

ODLUKU

o poništenju postupka Javne nabavke informatičke opreme za LOT 1
(Informatička oprema I)

1. Poništava se postupak Javne nabavke informatičke opreme za LOT 1 (Informatička oprema I), iz razloga što je pristigla ponuda za ugovorni organ neprihvatljiva.
2. Ova odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj:39/14 i 59/22).
3. Ova odluka stupa na snagu danom donošenja.
4. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak Javne nabavke informatičke opreme za LOT 1 (Informatička oprema I), po Obavještenju o javnoj nabavci broj: 1412-1-1-302-3-134/23 od 18.10.2023.g. objavljeno u Službenom glasniku BiH broj: 74/23 od 27.10.2023. godine i ispravka za Obavještenje o nabavci broj 1412-1-1-302-8-158/23 od 22.11.2023.godine, objavljeno u Službenom glasniku BiH broj: 81/23 od 01.12.2023. godine

Dana 04.12.2023. godine, Komisija za provođenje otvorenih postupaka nabavke za 2023. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je prilikom pregleda i ocjene ponuda utvrdila da je u zakonom predviđenom roku pristigla jedna ponuda ponuđača "C-Servis" doo Sarajevo broj 231123-01/MJ od 29.11.2023.

godine sa ponuđenom cijenom u iznosu od 55.900,00 KM bez PDV-a, i da je navedena ponuda ponuđača C-Servis doo Sarajevo formalno-pravno ispravna ali da ne ispunjava uslove tražene tenderskom dokumentacijom u dijelu traženih tehničkih karakteristika za „Napredna mobilna radna stanica M2, laptop 16GB RAM“ iz razloga što je ponuđač ponudio laptope sa monitorima veličine 17,3“ sa integrisanom kamerom i mikrofonom, dok je ugovorni organ u tehničkoj specifikaciji za nabavku koja je objavljena na Portalu javnih nabavki zahtjevao nabavku „Napredne mobilne radne stanice-M2, laptop 16GB RAM“ (2 kom) sa monitorom veličine minimalno 17,4“ sa integrisanom kamerom i monitorom, iz kojeg razloga je ponuda ponuđača C-Servis doo Sarajevo za ugovorni organ ocijenjena kao nepravilna, i kao takva za ugovorni organ neprihvatljiva, te je Komisija u skladu sa članom 69. stav 2. tačka d) Zakona o javnim nabavkama BiH predložila poništenje postupka Javne nabavke informatičke opreme za LOT 1 (Informatička oprema I), što je konstatovano u Zapisniku o pregledu i ocjeni ponuda od 14.12.2023. godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

DIREKTOR
(po ovlaštenju Vlade FBiH)
GLAVNI INSPEKTOR

Vahidin Munjić

